

鐔

墟

堂

摘

稿

鐔墟堂摘稿卷之五

明光祿大夫太子太傅工部尚書懋城古和雷禮著
序三

贈右司諫郭時望使琉球序

嘉靖戊午春琉球國世子尚元遣陪臣請封爵

聖天子嘉其守禮詔禮部上侍從可使者於是刑科右

給事中郭君時望被

簡命仍賜一品服以行夫使於四方不辱君命孔子嘗
許其爲士矣是皆冠帶之國交聘而至固未有出

使於異域者惟漢文起自代邸欲鎮撫南粵舉可
使者得陸賈以往賈富詩書有口辯且嘗使其地
爲他所敬禮卒能令去黃屋稱臣入貢而班史特
侈其事爲美談琉球居滄溟之中崇山爲國環海
爲固入我

明首來享

皇祖嘉其仰體天道好生興事大之禮

降諭褒獎命奉御路謙等齎符賜王鍍金銀印一顆凡
以制御島夷大無外之仁也延今二百餘年世脩

臣職入貢不絕遭逢

聖皇更化父子相繼請封號非南粵屈於鎮撫者比則
時望之下臨彼國思所以尊我

朝而堅其忠順之心爲何如哉夫忠信篤敬可行於
蠻貊而士不辱命必自行已有恥者基之陸賈雖
有口辯爲他所憚然受饋千金他物稱是非所以
貴名檢示儀刑於外夷故佗雖貌屈而詭竊如故
今琉球國王雖奔走効順而郡島倭奴實狡焉弗
恭每傾中國之政爲向背則今日之命固島夷觀

屬所係寧義賈口辯已耶時望在諫垣忠厚正直
素行可達於神明近疏西北邊務求所以飭武備
者鑿鑿切事情不爲支詞曲論是其秉禮達節聲
聞四著非必知價之嘗使其地而夷人已凜然知
慕矣茲以文德來夷人又躬親其事誠思

皇祖所以諭怕尼芝者宣布之諭王知前人敬事

天朝以致延封至今亦必祇奉

勅諭慎守封疆息征戰育下民毋自速戾庶有以懾服
其心而奪之氣風及群島畏威懷德則頑獷之習

可卑中國有常傳之勢矣後世傳其事而侈言之
則賈之事不足慕也予知時望行已之素則必善
於使命故於其行也借賈爲喻

贈侍讀胡劔西奉告歸省序

予嘗讀詩至四牡勞臣惓惓以不遑將父母爲言
於是見先王體悉臣工至誠懇惻其歸美報上願
天保定者不一而足盖求忠於孝有若此及觀南
陔之篇說者曰孝子相戒以養也夫有周盛時猶
待於戒而養況於後世之靡靡不溺仕妨孝者可

多得乎我

聖祖繼天立極以孝治天下初用學士宋潛溪侍左右
備顧問而告歸省親有白金文綺之賜規模視周
猶爲宏遠

今上繼統綏猷拔劍西爲講幄近臣何異潛溪之委任
使耽榮席寵者處之恨不計日躡遷劍西無待於
戒獨具疏陳情荷蒙

恩假非心

聖祖之心求忠於孝者邪夫學也者所以學爲忠孝也

而成其子者未始不本於父母之善教潛溪性雖
忠孝以父尚書翁敦鄉行振俗家規井井其得於
庭訓居多中洲翁淳樸不假彫琢奉義菴以孝聞
配徐孺人又以賢淑佐之雍睦無間言席厚貲不
自有走人所急有負者不責其報早年遊黌校不
第援例授遼府禮官輒棄去養素林樊所舉惟劔
西一人不溺愛延師課經史務令洞本原不徒箋
箋句析時勗以古名臣大節事及劔西魁鄉薦取
進士編摩史局侍讀經筵翁崇儉茹淡不改其素

自受封以來蟬脫塵溜惟遺書勉以盡忠報國
憂不休而劔西用以忠孝顯者非嚴訓時切於心
矣乎嘗莊誦

聖祖賜潛溪歸金華有父子祖孫懽然同聚之諭且命
速造朝庶國家文翰有賴潛溪祗若

聖意卒能潤色一代典章爲開國名臣劔西仰荷
賜告由大江望金陵緬懷

聖祖潛溪交孚之義是何等氣象及泝吳越達金華是
爲潛溪故鄉必將惕然有感曰何幸二百餘年獲

景其盛旣而趨豫章抵曲江省嚴慈於庭闈酌春
酒稱觴慶壽惟聚一堂羽問

朝廷事孰爲正人可親孰爲善政可述摠實以對則
將喜其善養志矣毓貞祿和由七十躋期頤固未
量也抑予聞之元首股肱相須甚殷

今上俯恤劔西有如一體而劔西職文翰司納誨亦必
感激

聖恩速還朝膺寵任異日

經筵進講舉庭訓所得者迎機啓沃仰契

聖志必曰其子如此其父母之賢可知由之簡畀重任
褒封日隆固於此行基之其聞而羨慕者相率勉爲忠
孝以鳴國家之盛謂非有以風之哉時同鄉在朝
者慶此行關世教屬予言因敘其盛際以贈之庶
吾鄉爲父母者知教其子爲子者知孝其親亦或
有感於斯云

廣東通志序

廣東古百越地在唐虞時暨聲教顧丘索堦埒莫
稽至成周以降稍稍見載籍然上下數千餘年治

亂離合之跡遞輝無常與夫政治得失民心向背
人物盛衰犁然區分不復次成編非所以昭世鑑
也先是督撫譚君愷病舊志蕪歿惕然有慮曰楊
粵負嶺帶海壘然小堪輿使文獻無徵可乎謀之
巡察徐君仲楫議勸敦請宮詹黃君佐纂脩各因
代至未觀厥成會烏程潘君季馴繼巡其地至則
嘆曰是豈可已耶復與督撫王君鈞鄭君綱前後
申議殫心博采日與黃君釐正黃君昔爲史官素
稱直筆廼取舊志芟穢正訛補其缺漏爲圖經爲

事紀爲表爲志爲列傳爲外志凡七十卷首本
原來復隨事發明鑿鑿可底于行志成蔡君結代
巡復重校之夫以一省盛典更數賢始成於是知
天欲以斯文責廣人也使經世者披閱而諦究之
則知羅浮爲衡嶽佐命南海當星紀分野固天實
作之以開奇甸其間若秦失屠睢漢激朱芝吳晉
覆於郭廬隋唐困於馮劉與夫崖山之變宋杜遂
屋豈其無以致之乎由督撫而下莫非天子命吏
居其位而思其職觀運甕之烈易瓦之澤是何等

規模與夫樹德揚芬俎豆相望孰非前事之師乎
是故知昌黎濂溪所以正學述必不襲禪語侮聖
言知羅弘衛斌所以明禮教必不習悍鬪崇攻訐
知吳隱之所以革奢侈必不資捲握矜夸毗知鑿
禹雉越雉則不至如寶元遇赦言裸露矣知作亭表
十賢則不至侈高臺爲霸圖矣知捐帶助東新橋
則不至橫濫遺何公之憂矣知奏減月給錢則不
至以良口餉遺販易矣知節用貸逋負則不至增
賦七倍於唐矣知疏請罷蒞枝則不至以珠易米

以香易農矣知興利開靈塘則不至爲漁蜃而辦
課矣知建言免括屯則不至抑勒取盈矣知權塩
禁增額則不至併餘銀困貧社矣知開寶賑恤粵
人則不至遺糶獨干天和矣知韶石獨隆祀典則
不至舉非族求淫福矣知羊城置七校樓船則不
至耿狼豕弛兵防矣至於溪洞阻逖與徭獍俚獠
諸種類相雜猺縱豕突不易撲滅重以海寇島倭
時乘濤出入爲患欲使佩犢之氓安耕田畝豈無
萬世之長策矣乎矧

今上尙明治天下右文復古百度惟新故陽德所被雖
蕉阜枕林之鄉弦誦相聞登名齒中土而曲江菊
坡足以啓後人攀駕執鞭之願他若堂曰思古臺
曰九成亭曰還珠樓曰鐵漢軒曰遺履其人雖逝
其垂暉不磨而行宮船灣炳炳猶有正氣彼昌華
示雄爲民強賊惟有浮埃而已不足爲戒矣乎
夫人之脩容以窺鑑也雖躁且隋者瞿瞿思正其
衣冠今往跡具載善惡截然誠爲良工苦心鑄鑑
由之師善而齊思惡而改恢弘名教培植世運其

爲鑑照也不其溥歟是舉也撫按諸君表正於上
藩司某某臬司某某竝相其成是皆目本無翳因
以對影匪爲文具已也辛酉仲夏潘君還

朝以志造請序其端予本諸君子所以樹風教者次
其顛末庶後有作者求所以鑑之斯善矣

賀元輔嚴介谿八十序

代歐陽
約菴作

師輔介翁壽登八十時在朝公卿大夫暨百有位
君子相與揆事稱慶旣爛焉備矣吾宗某某等自家
踰數千里赴京相與賀翁於長安東第屬必進以

言必進作而嘆曰異哉軒冕交輝而雜以煙霞泉石之冲致將古所謂有道者身處廊廟之上心存常布之舊翬非信然耶稽古歷代碩輔顯勛業於朝不知其幾也求其以厚里姻書者不多見惟宋有范文正敦倫振俗搜庫藏散姻屬皆盡至今士大夫高其義以爲不可及非建功立業荷知徇名者可勉爲之而敦睦實行無誠正之學未足臻其分歟吾宗自楚國起神童官至翰林承旨年八十五猶在朝賜有輿入延春閣後人傳誦爲族光今

吾一品夫人與翁偕老齊眉親見翁位晉元輔蒙
賜肩輿入直則吾宗藉以爲榮又將世世有聞矣
然楚國生仕元朝無以覩

大明之盛又職司制誥未秉國政嘗由瀏陽省故里僅
葺舊祠立坊存識翁遭逢

聖明中興一德一心如元首股肱之相倚屢沐眷恩
忍隱賜捕金構吾宗祠宇復拓田供祀使宗人知
尊祖重本頃歲大侵又捐廩五千石煮饑不足繼
之以金賴全活者甚衆郡有秀江上下浦井清源

古渡民病涉又捐貲代石造三橋歸德于

天子賜嘉名以表鎮之於是來徃惠利無窮楚國有知其感服爲何如哉夫親親而仁民仁民而愛物凡以此心加諸彼而已翁厚族以及其里姻而不忍薄故仰體

皇上如天之仁視薄海若比閭也其忍薄之憂天下文武吏耗亂不職黷貨繩民屢將德意戒諭并令監司不時奏黜遇各處水旱螟疫地震惟恐元元失所請蠲逋停徵輸京儲賑恤南北倭虜闕疆不

逞夙夜自中指授務期盪定毋敢玩寇僻遠下僚
有孤介之士淹頓者聞即振拔不至墮落他如寢
逆帥之兆邊釁止奸囚之起濫獄杜橫民之誣良
善使畏途若衽席而老有終幼有養無天殄累
皇仁皆翁推饑溺由己之心自里姻而達之於天下者
也夫德厚者其流必光振古爲然文正有憂天下
之志而敦厚自親始故天隆其報以顯後裔而列
政府者繩繩相繼公慕文正高義以厚里姻之心
達之於天下使各得遂其生全之願則感其德而

祝頌者莫不願公子孫繁衍聯綬朝著引聲光於
無窮詎壽公一身多歷年所已哉必進不能文景
翁盛德大業掀揭宇宙人人能頌之木翁之所以
見慕於里姻者侑壽觴以見管絃之鳴未如擊壤
之咏爲得其真也

贈劉盤山知永州序

嘉靖戊午之仲夏虞部盤山劉君奉

命守永州求同鄉以教言屬筆於予予惟古人以言贈
者多矣惟柳宗元序贈零陵令薛存義取譬於傭

反復以受直意事且從而盜之爲懼至今稱爲明
言予不及詳存義設施然史載存義到任期月逋
匿辦理蠹奸披露首服由是民之逃遁者復還愁
痛者笑歌則宗元所云訟平賦均不爲虛取直者
有明徵矣而後之不及存義者豈其智弗若歟不
能體受役之義視民如秦越然甚或恣意侵牟噬
盡乃已又不止於盜焉爾也可望其民懷如存義
乎哉盤山幼嗜柳文味其序言私心以爲識治體
今知永州實古零陵郡是一郡之民司平於盤山

非徒受一邑之直而已時而涉城東麓泉有存義
三亭在焉玩宗元記刻謂氣煩則慮亂視雍則志
滯而清寧率夷則理達事成必將躍然自悟曰此
存義之所以不虛取直也能不有興焉乎矧零
陵在唐時風浮俗鬼在杜居推髮變之半又咸責侏
儒符牒相望而哀歛太吏動以化外繩之其爲令
甚難存義獨以受役爲重均平敷治民莫不歸慕
如嚮我

明德教覃被而九疑一帶家閑禮義文物將於中土非

李唐時俗可比今盤山又爲郡守領州一縣大一方利病皆屬指畫是存義不得爲於唐者盤山得爲於今矣以存義之難爲而化能宰於一邑曾以郡守其專且重乃不能究存義之所爲耶夫善爲治者必法其故而前事之証後取爲鑒盤山家學淵源浸濡日深先翁憲副公初起工曹出守

叙州所在有政績蓋得於朝夕佩服之素故初令鄒平潔已奉公上下咸宜久之治狀上聞徵補工曹晉虞部大夫而卓然自樹是皆以先翁所已試

者行之茲又以治敘者治零陵則平訟均賦不虛
取直而逃亡復黎民無橫天寧亦存義之風聲也
哉然存義有政績賴宗元序言以傳愧予不能如
宗元嫻於辭聊述其義爲言贈庶後之傳循吏者
亦或有取於斯云

慶左都御史周嶮山六十敘

我朝設六卿分治各有攸屬至職司風紀率十三
道御史轄朝綱按方岳則左右都御史實總之其
任崇責重多擇尚書有風力者改任凡以警官邪

維治道也

今上聖德中興發聰奮斷照臨如日月一時忠邪賢佞
舉不能淆頃左都御史員缺特廕

聖諭下輔臣擇剛直者任之及廷推三尚書時嶠山周
公叅贊留都機務獨簡用焉非夙望孚於

聖心而何其協輿情一至此哉明興百有九十餘年繇
留省尚書入臺卓然振世者若馬端肅以兵書戴
恭簡張簡肅以刑書三公自少重名節砥廉隅起
臺省颺歷外藩入掌政禁所在以風采著而縉紳

鰓鰓然惟恐其不早柄用則徵召自南者從人望也公在諫垣以直節稱及徙邛州縣備嘗險阻而黜徇坊潰志不少變久之起藩臬晉中丞撫留圻鎮兩廣簡稽休煥憲經發奇使江南嶺表四陲寢柝畜鷄黍以長子孫即三公之保釐晉楚宣威遠陝又何加焉旣掌留銓改司馬有管鑰之責昭葵遇渝一切以靜鎮之而百司視爲典刑豈昔稱南京四君子者公非其儔匹耶夫天欲昌人家國必貽以黃耆之臣恭簡在臺中雖遭遇之隆而年踰

衰耄設施未究簡肅值正德初年纖監柄政不久
於位惟端肅受知

敬皇挺素秉直知無不言而振肅風紀之疏至今猶想
其風采由之握本兵掌銓衡晉秩少師挺然以重
者自任故十八年間盛美治效爛然可覩也

今上以剛正用公不異三公之特簡公正位臺端踰四
年淵澄山峙表枉屏戢中外肅然毋敢以私干而
年方六十葆和含礪則戴張未竟於前者可竟於
今日矣矧

聖明負堯舜之資遠紹唐虞盛事榮而太運重面如日升
月恒則異日百揆之宅又不但以端肅期公也而
公之自待詎但已哉予嘗私討同鄉樞臺綱前有
戴張名德今有公紹之而遭遇盛際非昔可比蓋
有餘慶焉值嘉靖戊午十一月初一日竇公誕辰
思齋霍君等舊列臺中從公後屬以言因序以志
私慕云

慶司空歐陽約菴晉宮保序

嘉靖戊午八月

朝門成

皇上褒大司空納麓歐陽公勞伐

加太子太保以示優眷凡同鄉仕於朝者相與嘖嘖
嘆曰

國制保傳之官不必備非勲德茂著者

特簡者不輕授一代亦不數人今於公見之蓋功比著
龜薪然間出不足以標異鄉邦乎哉旣展慶於私
第復屬予以言予聞自昔建業之臣非獨樂爲完
也其所以當天意孚君心者蓋必閱歷多而忠勤

者其理不可誣也我明自

成祖定都北京歷宣德正統間重新

朝殿時在平吳榮襄由司寇改掌邦土董營建事幾
二十年晉秩至少師寵榮極矣而才善默識經畫
井井荷

賜銀章文曰和敏詳達盖以貺其行云

今上聖德中興勵精圖治至明至剛遠符

列聖而群工奔走竦息鮮克稱

上肯公起儀曹賜歷藩臬晉中丞少司馬節制鄖陽三

吳兩廣凡九省久之召總留臺入掌邦土危仁履
義功在國家不可縷數也大者如療江南饑殍生
活奚啻數萬命掃盪黎患計擒安南逋逆而全廣
底定及重拓

都城善於調劑民不知役是其乘時炳烈盖灼灼可
觀矣邇者

聖明祇承

天眷勅司空鼎新

朝堂垂萬年不拔洪基時公釋吉補司寇

特改任爲非大業所重循榮襄之績耶然榮襄值干戈
甫定經費無幾庫藏盈溢其山谷儲材呈珍表異
者繩繩駢集今南北交訌哀公私告竭而支吾補鐸
課計毫釐較之榮襄所值時勢旣殊又臨蒞重地
中外拭目俟成視

先朝可寬歲月者事體亦異故公之所處尤當其難
方工初興

廷議工程浩大非竭天下財力莫克以濟且循

祖宗舊制徵夫徵匠及并豫齊魯間矣公提綱不撓圖

難於易遴屬分理使財力不爲內耗比見役次不
渝則停派夫匠有疏費出不浮則停開征例有疏
恐有司苛責煩民則申飭戒諭有疏卒之事半功
倍未踰期

門樓落成信有以繫萬國之心視奏績於十餘年者
爲何如也矧

國初法網未密財利無制榮棄得以操柄市衆使嘆
欲趨事議者與其才而不與其守公義軫截然毫
末出納付諫臺稽察而費省不貲中外晏然則

宮保優崇非教天下以忠乎哉夫不二心之臣固天
所遺衛

社稷也公精多受弘堅凝悠遠而

簡注方隆忠勤益抒則

晉錫柄用固穰穰乎便蕃而未艾也謂非天之所相
耶予叨督工程辱同事愧不能槩述盛美因同鄉
之請而頌其大者使知受福固有道云

慶少宰李西野六十序

我明自

金華先生集卷之五
聖祖設詹事等官輔導

儲貳咸以勲德大臣兼之不別設府寮且

諭侍臣曰老成人動有典刑輔導得賢人各盡職於此
莊服

聖慮淵微爲萬世計甚遠也吾邵固多名德在洪熙初
有進賢何公以右都御史兼詹事至弘治末凡七
十餘年東白張公以少宰兼學士掌府事又幾六
十年西野李公以少宰兼學士繼之豈氣運相乘
固有待耶

聖諭云連抱之木必以受大匠萬金之壁不以什拙工
詹事省給太子家於內外衆務無不掌所輔翼者
不獨連抱之木萬金之壁已也其遭遇際際非天
其孰司之向公諒直有爲在府即條八事首以錄
用勲舊爲言剴切稱

旨下所司施行東白以氣節經濟自命綱常治道多所
論列晚遇

敬皇知眷勸講太極圖懌動

天顏有天生斯人開朕之感是三公不忝爲老成人於

輔導亦有裨矣公計偕上春官對大庭侃侃陳素
荷

今上殊獎言讜述時事取置二甲首識者已慶奇逢而
大用可卜及編摩史局歷官察大司成普留都少
宰召任今官非親擢而柄用之耶夫事君者先資
其言而後成其信公以讜言爲贊固非剿舊聞厲
蠶氣儲詞林二十餘年研究聖賢遺訓求其孰爲
可法孰爲可戒驗古今得失之變求其何者爲必
治何者爲必亂是昌言於大庭者又印正於心矣

間嘗奉

命校文武士櫛點塵莖必言足抒志者取之以倡士習
在大學隨贊刑範教用不危佐留銓研核吏弊毋
敢弄筆及目擊邊防墮弛國計耗額與平輩辨析
井井中肯綮若身親其地然益知公志在天下不
徒以文章致身也矧東白於正德初群奸妬擠竟
不能酬所志

今上銳志太平而二三元老又協心一德無復正德時
事公年方六十值陽道方升之會可以竟其設施

異日入柄大政取印正於心者注措之則所行皆
正道而事業博犬翼然杜稷之幹矣視資言之贊
不有以成其信耶今子月十日實公誕辰予輩忝
姻末述以相慶以見天之所以生公者固不偶也
贈邵月湖守邵武府序

予昔理刑于閩同監司由三山沂劔浦抵樵川其
土曠夷其氣清淑其俗治生勤儉力農重穀所至
村落聚徒教授有古遺意旣閱監司校士藝類習
學究鮮自得以故人才寥寥不甚著於是俛而思

曰異哉熙春形勝宛然如宋在宋則策勛流光先
後相望而忠定挺天地之正氣爲百代殊絕人物
今求其能表著者不一二見焉傷哉大道之隱也
獨山川之罪哉夫人才風俗每壞於因循成於振
作世之秉麾司牧者以催科折獄爲能甚或索隱
市明巧爲文移以炫聲稱其視人才盛衰漫不相
及以民安猷畝苟免戶外之警言則曰是亦足矣寧
知懷材憤忠時至而顛脫耶今天下文獻推餘姚
月湖邵君積學淹貫與保傳南渠李公相切磋洞

見斯道本原以家教廸世範哀然魁兩浙及知六安
安晉正曹郎砥行振職俱不負所學茲奉

命知樵川郡事非天欲重洩風氣追有宋人才之盛乎
抵其境則纓本無塵樵溪必不濯可以無袁轂之
味視民狎於野水耕火耨不必煩劉蕡之振憤俗
重犯法欲無株連不必效王祥之發奸寇攘不興
民恃以安不必勞王遂之招集即平日所學追琢
秀艾使去塵荃長新悟而乎化之務莫此爲急如
以人才係於地運未可旦暮道易則入閩晉關風

氣矣及得常衣振作遂知向學人才駸駸匹冲壯
矧樵川風氣與閩南諸郡同而人才隆替迥殊可
諉之地運也與哉夫饑渴之人習於蔬糲未試嘗
之以烹魚燂炙固不鮮羶薌之足嗅一旦入市廛
而烹魚燂炙旣試口吻乃知終爲奇品而饑腸渴
胃自不容遲遲而飽餐矣樵川士習徂於固陋以
其無理義之膾炙嘗之也今誠以吾心之所嗜者
試之則慕道而趨自嗜學不厭由之義理充實寧
復安畎畝而薄功業矣乎昔尹師魯知光澤一令

耳勉礪士學文風爲之一變君有專以之責一郡
觀法所繫振作視令爲易以力之所能爲者求副
心之所嗜則樵川文風日盛將必有忠定者出於
其間異日追本所自如常衮之在八閩師魯之在
光澤不先後相炳耀耶夫郡政多端而予獨以作
人才爲贈蓋先其重且急者則庶政自無不舉矣
慶大宰吳默泉六十序

嘉靖三十八年仲夏二十二日太宰默泉吳公壽
躋六十嘉禾進士某等與公季嗣同制科相率求

予言以慶予竊惟大臣關天地國家之氣而老成
典刑尤後學準繩不徒瞻景炙光抒忻慶之私已
也嘉禾兩浙輿區人文甲海內稽前載自陸宣公
典機要爲唐名臣歷宋若樓資政常端明並秉銓
叅大政至

明興二百餘年公始秉銓繼之何其鴻經緯凌曠而橫巨
不多遇耶古稱太宰爲天官即吏部之任言其愛
憎取舍至公至平如天然天欲興人家國登庸忠
義必遺厚德老成持心如衡爲世植幹蓋振古已

然我

國家懋光累葉塔

今上聖神中興永綿洪祚豈不遺厚德老臣以膺銓衡
之任以爲一世人才之司命歟夫雲從龍風從虎
以類應也方

龍飛首科廣進士額凡四百人皆以左右之業期之公
由是科出身歷工刑兵三曹嚴繩檢不自抑蔽奉
命校齊魯秋闈崇雅黜浮文體聿變及敕歷藩臬前後
督雲貴嶺表三省學校以身帥教不矜辭坐而肅

憲敷仁在江右尤久且著以民望晉中丞撫綏其
地召左司空司寇改少司馬總曹于淮仁心爲質
杭義潔方以致吏警民懷蒸蒸向乂其卓然功在
杜稷者如徐充一帶災甚奸萌竊發秦

勃卹賑調度有方活數十萬命汴盜蜩起流抄至淮公
以兵扼要地迎擊盡殲其衆而兩淮安堵皆功高
勿有

上知公可屬大事晉掌留臺召爲司空躋太宰非親取
之而又親用之耶自嘉靖首科至今取士凡十三

舉矣而柄銓政獨公一人是雖公之福澤夷隆其所以仰注

宸衷俯信輿論夫豈偶然語有之所得者厚故所發也盛所養者正故所關也大公宅心坦夷洞達不操切矯爲名高秉銓已餘三年循資酌望惟公法是稽無一毫睚眦意至大計群吏有耗亂不職者雖戚里不少徇即宣公之抑掎刻擿資政之志恩仇常端明之申正氣公兼有之矧三臣當唐宋末造莫竟用人之志今

聖壽萬年如乾運於上公年方六十苞神毓和執宰衡
植賢彙以昌壽

國脉駸駸平宅于百揆左右元化視三臣所遇殆未
量也非積氣濬發久而彌昌乎哉夫壽爲不朽之
道不止期頤耄耋而已由宣公以來數百年田夫
走卒指其所遺皆知敬羨公事業被當時惠澤覃
小民固將流光無窮與宣公並傳而天又顯不匱
之仁使公嗣伯仲聯綬於朝季取進士高等行將
續大業震於天下所謂參天地關盛衰浩然而獨

存詎戚里景慕之私已哉予昔忝公寮末師法最
久因本戚里所以景慕者述以壽公庶稽世觀德
者徵之於鄉人云

贈張誠叔知肉黃序

予嘗槩古今物理知大才晚成非虛語矣桃李之
姿與春爭妍而難以克隆棟者其質萎也榱桷產
於深山中飽風霜歷歲月有立師採之足以勝廊
廟之用豈老幹堅貞固一日之積耶漢有倪公寬
苦學善屬文初困泥途遠跡羊豕之間默默無所

表見及應薦入朝出令內黃勸農業緩刑罰務在
得民心吏民大信愛之俎豆至今誠叔幼負奇質
攻古文詞精思健句遠邁秦漢每督學按試輒首
諸庠士然淹頓十餘年不輒舉至壯年計偕北上
又歷四春闈始第進士出宰內黃將造物者無深
意戶之乎哉內黃爲魏博支邑由漢以來千數百
年以令除者非耳目可睹聞求其得民如倪公寥
寥不槩見非時有古今倖難化格以其無倪公之
心處之也方倪公開六輔渠定水令以廣溉田卽

以不朽之業望斯民至收租裁閭徠興農相假貸
藹如父子即課殿不辭寧要市於衆耶而民恐失
之爭輸不絕卒之名聞漢武徵爲御史大夫未始
不自內黃之政基之誠叔以鴻漸之翼父困而升
與倪公相類今新硯初試爲倪公過化之地是天
以顯倪公者寄之也時而登博望眺衛河跡倪公
渠而少羨焉必曰爲民興利是何規模沾沾了丈
具其誰與我退而隱括於心果能爲民謀自分課
殿否求之於斯民抑能直得其心惟恐失之否則

不必求之於古跡而精神乎契儼如倪公新授矣
然倪公以循吏徵至任大執法事多愆之至以稱
意任職久無匡救是知惠愛斯民而不知以道事
君誠叔遭逢

聖明居畿輔之邑一念惠愛可朝發夕聞異有下徵書
列侍從晉大僚則引經執誼必不爲封禪明堂之
頌而揮壓朝端詎至官屬之易視也哉是遠大之
業雖基於內黃而格

主之學又不但如倪公以惠民稱而已予識誠叔於督

學時信其晚成不偶書以遺之用致期望之私云

贈林復夫判濟南序

嘉靖三十八年季夏林復夫銓判濟南有知其賢者僉謂用枉其才問之則曰今制郡推縣令以治狀著並得徵爲臺諫判滯條格上官類蔑視之以才行舉者十無一二焉銓部計吏治亦隨俗軒輊以才行殊擢者百無二三焉故除目一下卽嘆命薄此比而是以復夫之踴厲自拔限之此官不爲絕塵之駿困以橫軛者邪予則曰審矣官是人以

官重非以人重官也夫位無崇卑稱職爲賢而握
大任重者每於險阻中得之濟南爲古齊地上下
數千年秉麾相禪不知其幾也史載呂文靖判濱
州力拯水災奏罷稅農器王文正即以台輔期之
韓魏公判淄州留心民事不憚瑣冗王博文稱爲
杜稷臣是二公相業定於作判時視之擁太皐席
崇樞掄怨爽行爲齊人指疵者豈其以彼易此哉
夫崑山之玉見之無不以爲至寶黃鍾一奏聞者
即知爲希聲今之作判有能影響二公而不爲時

知拔者乎不思振濯斬表見徒以尼條格爲病其
亦遠二公之裁矣復夫讀宋史樵二公勲德節槩
屹若山斗想一見之不可得已茲繼判其地而過
化之迹父老猶能述姓名俎豆不忘則瞻拜廟像
如揖讓然不徒想慕於史冊而已燕居獨處即日
之所爲隱括於心某念合天理某事順人情務求
無愧於二公視塵牘糾纏與夫米鹽事叢集沓來
可視爲瑣冗而不親乎按行所隸水旱荒膏相仍
物力大屈加以掊刻之政不便於民豈無稅農器

之類所當奏罷者乎舉民生休戚以身有之大者
封聞小者斧斷則爲民實意上下咸孚必有知己
如文正其人譬之玉蘊石則山自輝而群笋混鳴
益見黃鍾之特響也矧

聖明蒞治留意民瘼由判府躋顯位者前後相望又不
徒如二公著見於宋而已豈踔厲自拔者而終淹
頓於盛世也哉予昔司銓每見謁選者不樂居判
府譏其無志操及忤輔臣出判天雄即隨分盡職
無一毫芥蒂意今叨冒六卿有愧二公之相業而

官不必釋益有明徵彼談利害於復夫之前者吾
固知其歟如也

慶賈西厓錄蔭序

西崖賈公守備

天壽山凡四年餘矣勤恪集事矚然自潔日戢逋宄爲
根本遠圖甲寅冬獲奸細奏實

聖天子旌之玉帶越乙卯春又連獲奸細貳名奏實蔭
其姪倫爲錦水衛鎮撫并錄家子爲小旗者凡貳
人予於是有感於邊防之弛壞而不能無羨乎公

也方成周入春秋邊事興矣然岐隴之民平居天
締同袍相與脩戈矛甲兵以急公仇固不待賞之
使勸今

制守備不設并潛入外國透引夷情者俱常刑無赦赫
然如雷霆之震擊而沿邊豪黠冒懽姦利不顧親
戚兄弟去而從虜甘伺中國虛實以售之即沸鼎
鑊不顧其守圉扞敵之臣耽處榮逸晏然視之致
令潛入內地疊爲疽根何異厝火積薪之下因其
未燃而謂之安耶公自髫年入皇城績學內書館

即有巨人志未幾直司禮監目研墳史娛詞翰傑然自見其才久之荷

聖明知授屢進太監不出綸館前後竟

勅支叅典儀井井有章膺殊錫命服日益加焉及一使關中再使汴梁所在矜節行尤正論識者知其志在報國不徒以富貴縻身今守備

諸陵獨能慮深慮遠戢奸細消虜萌視之膺封疆之責而偷景待僵者爲何如也夫燎原之火起於微渺善熄火患者不以焦頭爛額者爲功而以曲突徙

薪爲上策自庚戌之秋虜塵壅京城一切巧宦者
視鎮邊如棄市百計求離其地使皆憂慮如公謹
烽堠明號令則虜謀自伏不敢鳴鏑內向即犬羊
之性叵測而備周事飭豈能顛翻大都跳身而來
刺邦而去也哉是戰獲姦細雖無汗戰之勞然竭
心內阻不必折月吞鏃乾耗帑貲而功已覆於生
民矣紉

國家旌有功所以教之忠也自公守備於外冒風霜
出入荊棘中孰與司禮之爲清逸乃不以其清逸

者而易其所可憂慮爲卒之功聞 朝廷身荷錄
典使中外士民聞之皆頌電掃虜庭使內無姦萌
官無糜食謂非有以風之哉予輩喜公此舉足爲
世勸因敘以詒之且以勵封疆之臣云

贈僉憲黃前川之八閩序

國家設衛分屯使戍卒耕給而薄取其賦以充軍餉
各有差額蓋寓兵於農其法最爲近古猶慮政弛
不脩專 勅憲臣清理兼總水利與民並濟凡以
勦戰功戒不虞也百餘年來姦弊日滋膏壤土則

盡爲倩猾所牟取甚或隨板圖易畝段私相貨售
於是豪族要人得鼠穴其中所遺種於軍者瘠鹵
數頃而已又溝塍壅圯渚洩無資即終歲勤動不
足以救饑餒乃求升合助征需其可得乎往予理
興化郡徵有爭屯田不決者十餘年判之則勢家
壓貧軍而衛帥反曲右之不敢吐一喙及歷八閩
盡泉漳南境其弊皆然非先後司憲者玩愒相仍
弊積至於此極耶古語曰善爲人者愛其力而成
其財財盡則怨力盡則叛世之所謂幹理屯政者

不過曰某處屯糧未完比較催徵又繼此而代之者至則亦云云至於勢要占據名存實亡與夫蕪畚污萊久曠耕耒者漫不省憫可謂愛其力而成其財也與哉前川昔宰丹陽恐一民失所及司廷尉於輕重罪釋必求得其平少有拂於情與令甲或戾者不但已也今屯利歸巨室而害遺疲卒又衛籍真偽不可質詰與夫古溝名渠圯占爲私其不平失所莫甚焉使非以身肩之清復舊額徒期限征科以了文具是拖網理自適爲貪穢割剝之

資耳國家之所以勅憲臣者固若是耶夫經遠之業不貴於立名而貴於務實不難於革弊而難於任怨前川天資淳實無應習則取辦文具以竊虛聲者吾知其弗爲矣况倭寇鴟張軍不受甲雖云紀律未嚴亦由平日艱衣食不足以鼓其勇耳此何時而忍文具爲哉使以篤實之心行之而勞怨不避則屯額自清公私日裕而執事之耦莫非荷戈之雄也由之清倭氛服方外豈非活國安人之大經乎哉是在前川加之意而已矣

鍾墟堂二續稿

卷之五

五

鍾墟堂摘稿卷之五終